



**PRAVILNIK O KORIŠTENJU AKADEMSKIH TITULA
I STICANJU STRUČNIH I NAUČNIH ZVANJA I
SADRŽAJU JAVNIH ISPRAVA KOJE IZDAJE
UNIVERZITET U TRAVNIKU**

Februar 2011.

Na osnovu člana 6. Okvirnog zakona o visokom obrazovanju u Bosni i Hercegovini (Službeni glasnik Bosne i Hercegovine, broj: 59/07) i Uputstva o formi i sadržaju diplome i dodatka diplome koju izdaju akreditovane visokoškolske ustanove (Službeni glasnik BiH broj 86/09), a u skladu sa članom 26. Statuta Univerziteta u Travniku, na svojoj sjednici održanoj dana 11.02.2011. god, Senat Univerziteta donio je

PRAVILNIK

o korištenju akademskih titula i sticanju stručnih i naučnih zvanja i sadržaju javnih isprava koje izdaje Univerzitet u Travniku

I OPĆE ODREDBE

Član 1.

Ovim Pravilnikom reguliše se način korištenja akademskih titula i sticanje naučnih i stručnih zvanja na fakultetima Univerziteta u Travniku.

Član 2.

Određeni ciklus studija (I, II ili III) student završava uspješnim izvršavanjem svih obaveza predviđenih nastavnim planom i programom studijskog odsjeka koji pohađa na nekoj od organizacionih jedinica Univerziteta u Travniku, kao i drugih obaveza prema Fakultetu predviđenih Pravilima studiranja, te važećim odlukama tijela Univerziteta i fakulteta

Svaki ciklus studija ima utvrđen broj studijskih bodova (ECTS) čijim ostvarenjem se stiče određena akademska titula, naučno ili stručno zvanje.

II STICANJE AKADEMSKIH TITULA, NAUČNIH I STRUČNIH ZVANJA

Član 3.

I CIKLUS STUDIJA

Završetkom stepena prvog ciklusa studija (dodiplomski studij) u trajanju od najmanje tri i najviše četiri studijske godine, sa ostvarenih 180, odnosno 240 ECTS studijskih bodova, stiče se akademska titula, odnosno stručno zvanje Bakalaureat/Bachelor za određenu oblast, uz bližu oznaku odsjeka ili smjera, te naznaku da se radi o završenom I ciklusu visokog obrazovanja.

Za studij iz grupe tehničkih nauka u trajanju tri studijske godine, sa ostvarenih 180 ECTS studijskih bodova pored zvanja Bakalaureat/Bachelor dodaje se i titula Inženjer, sa bližom oznakom odsjeka ili smjera.

Izuzetno od odredbe stava 1. ovog člana, studenti koji pohađaju studijski smjer integriranog I+II ciklusa u trajanju od 5 studijskih godina, sa ostvarenih 300 ECTS studijskih bodova, po završetku istog stiču akademsku titulu, odnosno zvanje Magistra za određenu oblast uz bližu oznaku odsjeka ili smjera.

II CIKLUS STUDIJA

Član 4.

Završetkom stepena drugog ciklusa univerzitetskog studija, u trajanju od najmanje jednu i najviše dvije studijske godine, sa ostvarenih 60, odnosno 120 ECTS studijskih bodova, što sa prvim ciklusom studija ukupno iznosi 300 ECTS studijskih bodova, stiče se akademska titula i zvanje Magistar za određenu oblast uz bližu oznaku odsjeka ili smjera.

Za studij II ciklusa iz grupe tehničkih nauka u trajanju od 2 studijske godine sa ostvarenih 120 ECTS studijskih bodova, što sa I ciklusom studija ukupno iznosi 300 ECTS studijskih bodova, pored zvanja Magistar dodaje se i titula Diplomirani inženjer sa naznakom odsjeka ili smjera.

III CIKLUS STUDIJA

Član 5.

Završetkom stepena trećeg ciklusa univerzitetskog studija u trajanju od tri studijske godine, sa ostvarenih 180 ECTS studijskih bodova, što sa prvim i drugim ciklusom studija ukupno iznosi 480 ECTS studijskih bodova, stiče se akademska titula i naučno zvanje Doktor nauka sa naznakom naučne oblasti.

IV KORIŠTENJE AKADEMSKIH TITULA

Član 6.

Stečene akademske titule, naučna i stručna zvanja unose se u javne isprave koje izdaje visokoškolska ustanova kao što su: diploma o završenom akademskom stepenu određenog ciklusa studija, dodatak diplomi i uvjerenje o završenom akademskom stepenu određenog ciklusa studija.

Član 7.

Skraćenica zvanja Bakalaureat/Bachelor označava se sa „BA“, a Magistar sa „MA“ i stavlja se iza imena i prezimena lica koje ga je steklo.

Skraćenica zvanja Doktor nauka označava se sa „Dr“ i stavlja se ispred imena i prezimena lica koje ga je steklo.

V SADRŽAJ JAVNIH ISPRAVA KOJE IZDAJE UNIVERZITET U TRAVNIKU

Član 8.

Univerzitet u Travniku izdaje diplomu o sticanju akademskog odnosno stručnog zvanja stepena prvog ciklusa studija, diplomu akademskog odnosno stručnog zvanja magistra određene oblasti stepena drugog ciklusa studija i diplomu naučnog zvanja doktora nauka u određenoj naučnoj oblasti stepena trećeg ciklusa studija.

Diploma se u pravilu izrađuje na jednom od službenih pisama i na jednom od službenih jezika u Bosni i Hercegovini, a na zahtjev studenta može biti i višejezična, posebno kada se izdaje za sticanje kvalifikacija na studijskim programima koji su izvođeni višejezično ili na stranom jeziku (jeziku nacionalne manjine ili nekom od svjetskih jezika), kako bi se obezbijedila mobilnost studenata i priznavanje stečenih zvanja na nekoj od stranih visokoškolskih ustanova.

Član 9.

Studentu koji je uspješno završio sve obaveze utvrđene studijskim programom prvog ciklusa studija visokog obrazovanja, Univerzitet u Travniku izdaje diplomu o stečenom akademskom odnosno stručnom zvanju Bachelor (Bakalaureat) iz određene oblasti.

Diploma iz stava 1. ovog člana Pravilnika sadrži:

1. naziv, logo, sjedište Univerziteta, fakulteta,
2. naziv: DIPLOMA;
3. opće podatke o kandidatu;
4. naziv završenog studijskog programa;
5. stečeno akademsko ili stručno zvanje,
6. dužinu trajanja studijskog programa izraženu u godinama i postignuti ukupan broj ECTS bodova;
7. broj evidencije, mjesto i datum izdavanja diplome;
8. potpis rektora i dekana;
9. suhi žig

Diploma se izdaje na obrascu broj 1. (PRILOG)

Član 10.

Studentu koji je uspješno završio sve obaveze utvrđene studijskim programom drugog ciklusa studija visokog obrazovanja, Univerzitet u Travniku izdaje diplomu o stečenom akademskom zvanju magistra određene oblasti

Diploma iz stava 1. Ovog člana Pravilnika sadrži:

1. Država BiH, naziv, logo, sjedište Univerziteta, fakulteta,

2. naziv: DIPLOMA;
3. opće podatke o kandidatu,
4. naziv teme (magistarskog rada);
5. stečeno akademsko, stručno ili umjetničko zvanje magistra određene oblasti, u skladu s Pravilnikom o korištenju akademskih titula, te sticanju naučnih i stručnih zvanja;
6. dužinu trajanja studijskog programa izraženu u godinama i postignuti ukupan broj ECTS bodova;
7. broj evidencije, mjesto i datum izdavanja diplome;
8. potpis rektora i dekana;
9. suhi žig

Diploma se izdaje na obrascu broj 2. (PRILOG)

Član 11.

Studentu koji je uspješno završio sve obaveze utvrđene studijskim programom trećeg ciklusa studija visokog obrazovanja, visokoškolska ustanova izdaje diploma o stečenom naučnom zvanju doktora nauka sa naznakom naučne oblasti.

Diploma iz stava 1. Ovog člana Pravilnika sadrži:

1. naziv, logo, sjedište Univerziteta, fakulteta,
2. naziv: DIPLOMA;
3. opće podatke o kandidatu,
4. naziv teme (doktorske disertacije);
5. stečeno naučno zvanje doktora nauka u određenoj naučnoj oblasti
6. dužinu trajanja studijskog programa izraženu u godinama i postignuti ukupan broj ECTS bodova;
7. broj evidencije, mjesto i datum izdavanja diplome;
8. potpis rektora i dekana;
9. suhi žig

Diploma se izdaje na obrascu broj 3. (PRILOG)

Član 12.

Univerzitet u Travniku obavezno, uz diplomu, istovremeno izdaje dodatak diplomu koji potpisuju rektor i dekan fakulteta, i isti se ovjerava pečatom Univerziteta u Travniku.

Dodatak diplomu izdaje se uz diplome svih ciklusa, u cilju unapređenja međunarodne transparentnosti i olakšanja akademskog i profesionalnog priznanja kvalifikacija.

Dodatak diplomu se izrađuje na jednom od službenih pisama i na jednom od službenih jezika u Bosni i Hercegovini, a na zahtjev studenta može biti i višejezična, posebno kada se izdaje za sticanje kvalifikacija na studijskim programima koji su izvođeni višejezično ili na stranom jeziku (jeziku nacionalne manjine ili nekom od svjetskih jezika), kako bi se obezbijedila mobilnost studenata i priznavanje stečenih zvanja na nekoj od stranih visokoškolskih ustanova.

Član 13.

Dodatak diplome sadrži minimalno sljedeće podatke:

1. INFORMACIJE KOJIMA SE IDENTIFICIRA NOSITELJ KVALIFIKACIJE

1.1 Prezime:

1.2 Ime:

1.3 Datum, mjesto i zemlja rođenja:

1.4 Broj ili šifra studenta ili studentske kartice (broj indeksa ili matične knjige):

2. INFORMACIJE KOJIMA SE IDENTIFICIRA KVALIFIKACIJA

2.1 Naziv kvalifikacije (puni, skraćeni):

Naziv zvanja (puni, skraćeni):

2.2 Glavno područje/područja studija za kvalifikaciju:

2.3 Naziv ustanove koja dodjeljuje kvalifikaciju:

Status (vrsta/kontrola):

2.4 Naziv ustanove koja vodi studij:

Status (vrsta/kontrola):

2.5 Jezik/jezici nastave/ispita:

3. INFORMACIJE O NIVOU KVALIFIKACIJE

3.1 Nivo kvalifikacije:

3.2 Duljina i opterećenje programa:

3.3 Zahtjev/i za pristup:

4. INFORMACIJE O SADRŽAJU I POSTIGNUTIM REZULTATIMA

4.1 Način studiranja:

4.2 Zahtjevi programa:

4.3 Detalji o programu:

4.4 Shema ocjenjivanja, vodič za raspodjelu ocjena:

4.5 Sveukupna klasifikacija:

5. INFORMACIJE O FUNKCIJI KVALIFIKACIJE

5.1 Pristup nastavku studija:

5.2 Profesionalni status:

6. DODATNE INFORMACIJE

6.1 Dodatne informacije (podatak o upisu u državni registar akreditiranih visokoškolskih ustanova koji vodi Agencija za razvoj visokog obrazovanja i osiguranje kvalitete Bosne i Hercegovine):

6.2 Dodatni izvori informacija:

7. OVJERA DODATKA

7.1 Datum:

7.2 Potpis:

7.3 Funkcija:

7.4 Zvanični pečat/žig

8. INFORMACIJE O VISOKOŠKOLSKOM SISTEMU

8.1 Pristup visokom obrazovanju:

8.2 Stepeni i kvalifikacije:

8.3 Bodovni sistem i ocjenjivanje:

Dodatak diplomi izdaje se na obrascu broj 4.(PRILOG)

Član 14.

Diploma i dodatak diplomi imaju važnost u pravnom prometu na cijelom teritoriju Bosne i Hercegovine, te u međunarodnom pravnom prometu.

Član 15.

Do momenta izdavanja diploma o stečenim akademskim odnosno stručnim zvanjima za sva tri ciklusa studija, Univerzitet u Travniku može izdati uvjerenje o završenom studiju prvog, drugog ili trećeg ciklusa, koje ima karakter javne isprave i važeće je do momenta uručenja diplome studentu.

Uvjerenje o završenom studiju student služi kao dokaz o stečenom akademskom odnosno stručnom zvanju i ima privremeni karakter.

Uvjerenja o stečenim akademskim odnosno stručnim zvanjima izdaju se na obrascu broj 5. (PRILOG)

VI IZGLED I GRAFIČKI STANDARDI DIPLOMA I DODATKA DIPLOMI

Član 16.

Diploma o stečenom akademskom odnosno stručnom zvanju nakon završenog I ciklusa studija štampa se na bijelom papiru 200-250 gr/m² papiru (original diploma) i bijelom papiru 135-150 gr/m² (kopija diplome), format A4 (210x297 mm), a štampa se u vertikalnom položaju.

Diploma o stečenom akademskom odnosno stručnom zvanju nakon završenog II ciklusa studija štampa se na bijelom papiru 200-250 gr/m² papiru (original diploma) i bijelom papiru 135-150 gr/m² (kopija diplome), format B4 (250x353 mm), a štampa se u vodoravnom položaju.

Diploma o stečenom akademskom odnosno stručnom zvanju nakon završenog III ciklusa studija štampa se na bijelom papiru 200-250 gr/m² papiru (original diploma) i bijelom papiru 135-150 gr/m² (kopija diplome), format A3 (297x420 mm), a štampa se u vodoravnom položaju.

U gornjem dijelu obrazaca diploma o završenom stepenu prvog, drugog i trećeg ciklusa studija štampa se znak Univerziteta u Travniku, a ispod znaka štampa se naziv države Bosna i Hercegovina i naziv Univerzitet u Travniku.

U obrascima diploma o završenom stepenu prvog, drugog i trećeg ciklusa studija kompletan tekst se štampa crnom bojom, osim znaka Univerziteta u Travniku.

Veličinu slova i znaka Univerziteta u Travniku, kao i font (vrstu pisma) određuje rektor Univerziteta u Travniku.

Član 17.

Obrasci dodatka diplome o završenom stepenu prvog, drugog i trećeg ciklusa studija štampaju se na bijelom 80 - 100 gr/m² papiru, formata A3 (297 x 420 mm), presavijen na format A4. Na prednjoj strani dodatka diplome o završenom stepenu prvog, drugog i trećeg ciklusa studija štampa se znak i naziv Univerziteta u Travniku.

U obrascima dodatka diplome koji se izdaje uz diplomu o završenom stepenu prvog, drugog i trećeg ciklusa studija kompletan tekst, štampa se crnom bojom, osim znaka Univerziteta u Travniku.

Veličinu slova i znaka Univerziteta u Travniku, kao i font (vrstu pisma) određuje rektor Univerziteta u Travniku.

Član 18.

Sve ostale javne isprave koje izdaje Univerzitet u Travniku, štampaju se na bijelom 80 - 100 gr/m² papiru, čiju boju, vrstu i veličinu slova za štampu određuje organizaciona jedinica Univerziteta u Travniku, za čijeg studenta se izdaje javna isprava.

PRELAZNE I ZAVRŠNE ODREDBE

Član 19.

Ovaj Pravilnik stupa na snagu narednog dana od dana usvajanja.

Pravilnik se može mijenjati i dopunjavati na način i po postupku utvrđenom za njegovo donošenje.

Tumačenje odredaba ovog Pravilnika daje Senat Univerziteta.

Broj: 21/11-a

Predsjednik Senata Univerziteta u Travniku

Prof. dr Rasim Dacić

PRILOZI

(vertikalno, format A4)



BOSNA I HERCEGOVINA
Univerzitet u Travniku

(naziv i sjedište organizacione jedinice)

(prezime, ime jednog roditelja i ime studenta)

Rođen-a _____, završio-la je dana _____ 20__ godine **I ciklus**
(Dan, mjesec i godina rođenja, mjesto, općina država)

studija visokog obrazovanja u trajanju od _____ semestara (_____ godine) na

_____, odsjek/smjer _____,
(naziv i sjedište fakulteta)

sa ostvarenih _____ ECTS bodova, te mu/joj se na osnovu toga dodjeljuje

DIPLOMA

O stečenom akademskom zvanju

Bachelor (Bakalaureat) _____
(stručno zvanje u određenom području)

U Travniku, _____ 20__ godine

Broj: _____
(redni broj iz evidencije izdatih diploma)

DEKAN FAKULTETA:

SUHI ŽIG VŠU

REKTOR UNIVERZITETA:

(vodoravno, format A3)



BOSNA I HERCEGOVINA
Univerzitet u Travniku

(naziv i sjedište organizacione jedinice)

_____ (prezime, ime jednog roditelja i ime studenta)

Rođen-a _____, odbranio-la je dana _____ 20__ godine
(Dan, mjesec i godina rođenja, mjesto, općina država)

Magistarski rad na temu _____

čime je završio-la **II ciklus studija visokog obrazovanja** u trajanju od _____ semestara

(_____ godine) na _____, odsjek/smjer _____,
(naziv i sjedište fakulteta)

sa ostvarenih _____ ECTS bodova, što sa I ciklusom studija iznosi ukupno

_____ ECTS bodova, te mu/joj se na osnovu toga dodjeljuje

DIPLOMA
O stečenom akademskom zvanju

Magistar _____
(stručno zvanje u određenom području)

U Travniku, _____ 20__ godine

Broj: _____
(redni broj iz evidencije izdatih diploma)

DEKAN FAKULTETA:

SUHI ŽIG VŠU

REKTOR UNIVERZITETA:

Obrazac broj 3 - diploma o završenom III ciklusu visokog obrazovanja

(vodoravno, format A3)



BOSNA I HERCEGOVINA
Univerzitet u Travniku

(naziv i sjedište organizacione jedinice)

_____ (prezime, ime jednog roditelja i ime studenta)

Rođen-a _____, odbranio-la je dana _____ 20__ godine
(Dan, mjesec i godina rođenja, mjesto, općina država)

Doktorsku disertaciju na temu _____

čime je završio-la **III ciklus studija visokog obrazovanja** u trajanju od _____ semestara
(_____ godine) na _____, odsjek/smjer _____,
(naziv i sjedište fakulteta)

sa ostvarenih _____ ECTS bodova, što sa I i II ciklusom studija iznosi ukupno
_____ ECTS bodova, te mu/joj se na osnovu toga dodjeljuje

DIPLOMA
O stečenom akademskom zvanju

Doktor _____
(naučno zvanje u određenom području)

U Travniku, _____ 20__ godine
Broj: _____
(redni broj iz evidencije izdatih diploma)

DEKAN FAKULTETA:

SUHI ŽIG VŠU

REKTOR UNIVERZITETA:

Obrazac broj 4 – dodatak diplomi



Univerzitet u Travniku

Naziv organizacione jedinice

Ovaj dodatak diplomi slijedi model koji su razvili Evropska komisija, Vijeće Evrope i UNESCO / CEPES. Svrha ovog dodatka je pružanje informacija radi poboljšanja međunarodne transparentnosti i odgovarajućeg akademskog i stručnog priznavanja kvalifikacije (diploma, stepena/ciklusa studija i sl.). Izrađen je da bi opisao prirodu, nivo, kontekst, sadržaj i status program studija koji je osoba (navedena na originalnoj kvalifikaciji uz ovaj dodatak) uspješno završila. Ne smije sadržavati subjektivne procjene, izjave o ekvivalenciji ili sugestije o priznavanju. Potrebno je navesti tražene informacije u svim dijelovima dokumenata. Na mjestima gdje informacije nisu navedene, potrebno je objasniti razlog.

1. Informacije o nosiocu kvalifikacije	
1.1. Prezime:	
1.2. Ime:	
1.3. Datum rođenja:	
Mjesto i općina rođenja:	
Država rođenja:	
Jedinstveni matični broj građanina:	
1.4. Identifikacioni broj ili broj indeksa:	
2. Informacije o kvalifikaciji	
2.1. Naziv kvalifikacije i odgovarajuća titula	
2.2. Glavna oblast studija za sticanje kvalifikacija	
2.3. Naziv i status visokoškolske ustanove koja izdaje diplomu (na jeziku originala)	
2.4. Jezici školovanja / ispita	
3. Informacije o stepenu kvalifikacije	
3.1. Ciklus studija	
3.2. Zvanično trajanje studija	
3.3. Potrebni uslovi za upis	
4. Informacije o sadržaju studija i postignutim rezultatima	
4.1. Način studiranja	
4.2. Sistem i pravila studiranja	
4.3. Detalji programa	
4.4. Skala ocjenjivanja i uobičajena raspodjela ocjena (ukoliko je dostupna)	

Završni rad/Magistarski rad/Doktorska disertacija	
Tema:	
Ocjena	
Datum odbrane rada	
4.5 Ukupna klasifikacija kvalifikacije (na jeziku originala)	

5. Informacije o funkciji kvalifikacije	
5.1	Mogućnost za upis na sljedeći ciklus studija
5.2	Profesionalni status
6. Dodatne informacije	
6.1	Dodatne informacije
6.2	Dodatni izvori informacija

7. Ovjera (certifikacija) dodatka diplomi			
7.1 Datum	7.2 Dekan Fakulteta	7.3 Službeni pečat VŠU	7.4 Rektor

8. Informacije o državnom sistemu visokog obrazovanja

Kao zemlja članica Bolonjskog procesa, BiH trenutno provodi dalekosežne reforme za ulazak u evropsko područje visokog obrazovanja. U isto vrijeme, država Bosna i Hercegovina ima složeno administrativno ustrojstvo, u kojem se zakonodavna i administrativna ovlaštenja za obrazovanje dijele regionalno, kao i između različitih nivoa vlasti. Samo je 13 zakonodavnih tijela (1) nadležno za usvajanje relevantnih propisa. Shodno tome, visokoškolski sistem je ponekad različit u različitim dijelovima zemlje.

Trenutno, u BiH postoji 8 javnih Univerziteta i određen broj privatnih visokoškolskih ustanova (2). Sve ustavnove moraju imati licencu ministarstva obrazovanja zaduženog za regiju u kojoj se data visokoškolska ustanova nalazi (3). Postoji određen napredak u uvođenju mehanizama internog i eksternog osiguranja kvaliteta u većini visokoškolskih ustanova, a u nekim dijelovima BiH postoje i prvi propisi za vanjsku akreditaciju. Međutim, u BiH još uvijek nema sistema akreditacije za cijelu zemlju. Napredak reformi zavisi od regije do regije i od ustanove do ustanove.

U cilju reforme visokog obrazovanja, 30. jula 2007. godine donesen je Okvirni zakon o visokom obrazovanju u Bosni i Hercegovini, kojim su ustanovljeni osnovni principi i standardi za sticanje visokog obrazovanja u Bosni i Hercegovini, u skladu s relevantnim odredbama Evropske konvencije o zaštiti ljudskih prava i osnovnih sloboda (ETS No. 5, 1950.) i njenih protokola, Preporukom Komiteta ministara Vijeća Evrope o priznavanju i ocjeni kvaliteta privatnih visokoškolskih ustanova (R(97)1), Preporukom o pristupu visokom obrazovanju (R(98)3) i Preporukom o istraživačkom zadatku univerziteta (R(2008)8) i drugim relevantnim principima međunarodno priznatih pravnih instrumenata čija je država ugovornica i Bosna i Hercegovina, te u skladu s Konvencijom Vijeća Evrope/UNESCO-a o priznavanju kvalifikacija u visokom obrazovanju u evropskoj regiji (ETS No. 165, 1997.).

Bosna i Hercegovina je u septembru 2003. godine stavljanjem potpisa na relevantne dokumente prihvatila evropske strateške ciljeve u oblasti visokog obrazovanja izražene u Deklaraciji evropskih ministara visokog obrazovanja iz Bolonje (1999.), kao i kasniji razvoj ovog koncepta.

8.1 Pristup visokom obrazovanju

Kandidati za visoko obrazovanje moraju imati uspješno završeno redovno četvorogodišnje srednjoškolsko obrazovanje. Dokument koji daje pravo na prijavu je svjedodžba/svjedočanstvo o završenoj srednjoj školi.

8.2 Stepeni i kvalifikacije

Visoko obrazovanje je organizirano u tri ciklusa studija, i to:

- prvi ciklus studija koji se vrednuje sa 180 ECTS bodova (tri studijske godine), koji vodi do akademske titule i stručnog zvanja bakalaureat.
- drugi ciklus studija koji se vrednuje od 60 do 120 ECTS – bodova (jedna do dvije studijske godine), što sa prvim ciklusom studija ukupno iznosi 300 ECTS-bodova (ukupno 5 studijskih godina), što vodi do akademske titule i stručnog zvanja magistar.
- treći ciklus studija koji se vrednuje sa 180 ECTS bodova (tri studijske godine), što sa prvim i drugim ciklusom studija ukupno iznosi 480 ECTS bodova (ukupno 8 studijskih godina), što vodi do akademske titule i naučnog zvanja doktor nauka ili umjetnosti.

- (1) Organi vlasti BiH dalje se dijele na dva osnovna administrativna dijela: Republika Srpska i Federacija BiH. F BiH je dalje podijeljena na 10 kantona. Uz dva entiteta, BiH čini i Distrikt Brčko, koji ima međunarodnu superviziju i koji je administrativna jedinica pod suverenitetom države BiH. Zakonodavne nadležnosti u obrazovanju su na Parlamentu BiH, Narodnoj skupštini Republike Srpske, Parlamentu Federacije BiH, 10 kantonalnih skupština, te na Skupštini Distrikta Brčko.
- (2) Ovi podaci će biti redovno ažurirani.
- (3) U BiH, 11 ministarstava obrazovanja (jedno u RS i deset u kantonima u Federaciji BiH) imaju punu nadležnost nad obrazovanjem, uključujući visoko obrazovanje. U Distriktu Brčko, Odsjek za obrazovanje Distrikta Brčko ima punu nadležnost nad obrazovanjem. Na nivou države, Ministarstvo civilnih poslova ima mandat da koordinira obrazovnu politiku u zemlji. Ministarstvo obrazovanja i nauke Federacije BiH ima nadležnost za donošenje standarda i normativa za visoko obrazovanje i zaduženo je za koordinaciju između 10 kantonalnih ministarstava obrazovanja.

8.3	Bodovni sistem i ocjenjivanje
	Akademska godina u BiH obično traje 10 mjeseci, od septembra do jula. Akademska godina dijeli se u dva semestra, a na Univerzitetu u Travniku planira se prema Akademskom kalendaru za svaku akademsku godinu. Jedinica za definiranje opterećenja redovnog studenta tokom jednog semestra je bod. Opterećenje redovnog studija u jednoj akademskoj godini iznosi 60 ECTS bodova Uspjeh studenata na ispitu i drugim provjerama znanja vrednuje se i ocjenjuje kako slijedi:

ECTS ocjena	Brojčana Ocjena	Opis
A	10	izuzetan uspjeh sa neznatnim greškama (nosi 95-100 bodova)
B	9	iznad prosjeka, sa ponekom greškom (nosi 85- 94 bodova)
C	8	prosječan, sa primjetnim greškama (nosi 75-84 bodova)
D	7	općenito dobar, ali sa značajnim nedostacima (nosi 65-74 bodova)
E	6	zadovoljava minimalne kriterije (nosi 55-64 bodova)
F,FX	5	ne zadovoljava minimalne kriterije i potrebno je znatno više rada (ispod 55 bodova)
IO	-	Ispunio obaveze (opisna ocjena)

Obrazac broj 5 – Uvjerenje o završenom studiju

(vertikalno, format A4)

Bosna i Hercegovina
Federacija Bosne i Hercegovine
Univerzitet u Travniku

(naziv organizacione jedinice)

Na osnovu člana _____ Statuta Univerziteta u Travniku,
_____ izdaje
(naziv i sjedište organizacione jedinice)

U V J E R E N J E o završenom studiju

_____ rođen-a _____
(prezime, ime jednog roditelja i ime) (Dan, mjesec, godina rođenja, mjesto, općina, država)

Završio-la je stepen _____ ciklusa studija visokog obrazovanja,
(I, II ili III)

odsjek/smjer _____

na _____,
(naziv i sjedište organizacione jedinice)

dana _____20____ god. i time stekao-la pravo na akademsku titulu i stručno (naučno) zvanje

(Bakalaureat /Bachelor; Magistar; Doktor; uz naznaku određenog područja)

sa ostvarenih _____ ECTS bodova

i sva druga prava koja mu/joj po zakonu pripadaju

Uvjerenje se izdaje na osnovu uvida u dosije kandidata koji se vodi u matičnoj knjizi
studenata pod rednim brojem _____, a u svrhu regulisanja radnog odnosa.
(broj iz matične knjige)

Uvjerenje je privremenog karaktera i važi do izdavanja diplome.

DEKAN FAKULTETA:

REKTOR UNIVERZITETA:

PEČAT VŠU

Broj:

Datum: 11.02.2011.

REKTOR

R. Dacic
Prof.dr Rasim Dacic

